

20. januar 2016

Inatsisartut suleriaasianni § 37 naapertorlugu matumuuna Naalackersuisunut imaattunik apeqqu-teqaatinik saqqummiussivunga:

Apeqqutit:

- 1. Naalackersuisut uppersarsinnaavaat, Tunumi qilalukkanik qernertanik kisitsisoqarniarloq 2016-mi?**
- 2. Pinngortitaleriffiup qilalukkanik qernertanik 2016-miik 2020-mut pisassiissuteqarnissamik siunnersuinera allannguuteqassamaarpa Tasiilaq aammalu Ittoqqortormiit eqqarsaatigalugit, imatut paasillugu: nutaamik kisitsisoqareerpat?**

(Inatsisartuni ilaasortaq Laura Tàunâjik, Siumut)

Tungavilersuut:

Pinngortitaleriffiup qilalukkanik qernertanik pisassiissutinik kingullermik 2016-miik 2020-mut siunnersuimmat (novemberi 2015), nalilersorpaat qilalukkat qernertat Nunatsinni ataatsimut isigalugu taamaallaat qilalukkanik qernertanik 96-nik pisassanik annertusaasoqarsinnaasoq (qilalukkat qernertat katillugit 490-it).

Tasiilami aammalu Ittoqqortoormiini qilalukkanik qernertanik pisassiissutinik ikilisaanissaq kajumissaarutigaa. Tamatumani pissutaavoq Tunumi 2008-mili qilalukkanik qernertanik kisitsisoqarsimangimmat.

Pinngortitaleriffiup Naalackersuisoqarfimmut Aalisarnermut, Piniarnermut Nunaateqarnermullu akissuteqaammini ullulerneqarsimasoq 9. september 2015 (GN j. nr. 40.00.02.47.2015) paasissutigisimavaa, Tunumi qilalukkanik qernertanik kisitsisoqarniarloq 2016-mi, aningaasatigut pilersaarutertik naapertorlugu akissaqassappata.